

581
L E T T R E
D V
PRINCE G E N E R E V X
A
M A D E M O I S E L L E .



A P A R I S,
Chez CLAUDE BOUDEVILLE, rue des Carmes,
proche Saint Hilaire au Lys Fleurissant.

M. DC. XLIX.

21915



LETTRE DV PRINCE GENEREVX
A MADEMOISELLE.

MADEMOISELLE,

C'est vn miracle de voir produire des actions d'une generosité suprefme, quand vn chacun, l'esprit & le cœur abbatu, reste fousmis au lasche fentiment d'un aueugle refpect : Il n'y a que vofre Alteffe feule, Mademoifelle, qui fait maintenant éclater à la Cour vne vertu fi heroïque. Car lors que tout le monde, les yeux ouuerts y demeure dans le filence, & obeit; Elle parle diuinement, & avec vne hardieffe qui témoigne au Roy & à la France, l'affection veritable qu'elle leur porte, en prenant l'interelt de leur deffenfe: Ainfi, vofre Alteffe donne des marques, que la grandeur de fon efprit & de fon courage fupaffe encores plus fon illufre naiffance, quoy qu'elle foit la plus haute de la terre. Et l'on peut dire enfin que c'elt vn prodige de voir en vne perfonne de fon

- fexe cette vertu de generosité fi parfaite que l'on a tousiours reconnuë en elle; Mais auffi, il elt facile de iuger que la Nature a fait vn effort, en luy donnant plus qu'elle n'a iamais fait à tous les Princes & les Princeffes du monde. Oüy, Mademoifelle, il n'y a perfonne qui ne demeure d'accord que vous eftes la plus accomplie qui ait iamais veu le iour, & la voix de

3
581
la Renommée le publie si hautement, que tout chacun souhaite avec passion de vous voir. Quant à moy, j'aurois vn contentement sans pareil si ie receuois cet honneur; Et si ie pouuois posséder vn esprit comme le vostre, ie m'estimerois le plus heureux de tous les hommes: Car c'est vne vertu que j'estime plus que toutes les autres, estant la plus noble, à present la plus necessaire de toutes, & que vous la possédez par Eminence; Continuez, Mademoiselle, & comme le bien qui en pourra succeder sera grand, Vostre Altesse en recevra aussi des benedictions infinies & des actions de grace immortelles. Les François fondent vne partie de leurs esperances aux oracles de sa belle bouche; Répondez à leur attente, Ne souffrez pas qu'ils se détruisent eux-mesmes, & que deux partis contraires, bien qu'ils deuroient estre vnis, fassent perir la France, pour donner la joye à vn Estranger de voir reüssir ses entreprises detestables, heureuses pour luy, mais malheureuses pour nous. Vostre bonté naturelle, l'interest de vostre gloire, l'affection que vous avez pour vostre patrie, & vostre generosité sans pareille, vous porteront sans doute, Mademoiselle, de n'abandonner pas vn œuvre imparfait que vous avez si bien commencé, le vous en coniure en mon particulier, & ie seray d'autant plus obligé de garder le vœu que j'ay fait d'estre eternellement

MADemoisELLE,

De Vostre Altesse

Le tres-humble, tres-obeissant,
& tres-affectionné seruiteur,
LE PRINCE GENEREUX.

Ce 20. Jan-
vier 1649.